

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



近代中國史料叢刊續編第五十二輯
沈雲龍主編

英吉利國記

梁廷枏撰

文海出版社

有限公司

印行

此道光間順德梁君所著尚有合省國記三卷皆在
光緒初年先檢討日流連於海王邨書肆同得
之合省國記有東漢傳經之家印記又有不知名筆
跋數行按兩書出於各譯籍之先居百年前而載
記歐美事雜與今不無少異但有今尚未及知者亦
史家之秘籍也合省國記尤為詳盡當為梁君
致力之作 民國十一年夏東軒逸人識

國

記

英

告

新

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



序

英吉利貢國俗以貨市爲務雖其王亦且與民
合貲爲之故凡市事之稍便於獲利者謀無弗
至也其內擾也以市易之中絕而就欵也亦以
市易之仍通無他技也今錄其沿革世次因及
其積年爭據之由蓋皆緣市而出者故於市爲
詳云

道光二十有五年端六梁廷枏識

古今圖書集成

卷一百一十五

英吉利國記

廣東學海堂學長順德梁廷枏撰

考英吉利之爲國其紀年今且千八百有奇矣
固緣奉耶穌教而溯其始生然其國土之闢則
實已閱千有餘年雖其間展轉爭奪屢易其姓
猶可各按以中國朝代層遞考證焉東漢以
前不可得而詳矣其有名號可指及其在位之
年次足紀述者則自加力牛拉始嗣位後民苦

其虐四年弑之當漢哀帝時如德亞國有耶穌者衍其國摩西遺書別創天主教使徒衆遍傳諸國勸人奉教爲善耶穌死其徒繼出者以所遺經傳教入天竺值漢明帝遣使求法西域釋教方盛故其教不得行英吉利去如德亞遠時猶未知有耶穌後始從教也次爲革老氏五立十有三年而至尼羅弑母殺妻焚民居爲嬉戲立十有四年爲腓得利五所滅一年而腓士蔽

西安時繼之羅馬

卽哪嗎海國聞見錄云天主
王國誤蓋地在如德亞之西

臣屬之而未
據其國也

人人隙其所居色耳城耶穌教建

堂都邑使人以時瞻禮者曰天主堂盡燬於火
拒戰被殺者十萬人河港爲赤立弟多日以行
善自警嘗謂一日不行善如其日喪亡由是賢
聲著遐邇在位甫二年至多米弟安復暴虐立
十有五年至尼耳瓦有大度而過行寬縱臣下
謀逆反賜之官以安之亦二年至得拉然東向

用兵以威服隣國立十有九年至亞得利安政
尙慈惠民逋賊至十六載者蠲除之而焚銷其
籍頗信耶穌欲與他神同祀其徒以意不專法
不受祀止之立二十有一年至安多尼悲五能
愛其眾居常自言與其滅百敵不若救一民所
行多見德事立二十有三年至馬耳哥安多謹
身寡過喜讀書自製文告以戒其下皆感受焉
立二十九年至哥毛道殘忍縱慾好漁色兼狎

頑童立十有三年至彼耳地那士改紀弊政除
其不便於民者國利所在雖散財不少惜立數
月竟戕於亂兵西非路繼立善用兵屢勝外敵
立十有八年至加拉加拉性悖忍就其母懷殺
弟且禁母不使啼哭事起波及無辜死者數萬
立六年弒於馬革利自立甫數月至希流加巴
羅亦不道立四年至亞革山得疾惡嚴雖小必
罰時號嚴者立十有三年而馬革西民起自牧

羊兒驟得立饕餮過甚日食肉四十斤飲酒十八
八確立三年至哥耳氏安爲治有法度能考究
天文是時始知日食之故又星見於晝羣以爲
異立六年腓利百弒之自立五年至氏西五最
惡傳耶穌教者時假他事苦而殺之立二年至
加路士三年死於亂卒至法禮利安巽懦無志
氣立六年至加利以奴淫昏殘酷立八年至革
勞氏五極能治兵賦殺敵人參至五十萬立二

年至阿禮利安以善政聞立五年至大西多立
數月至佛羅利安亦數月至百羅布相傳殺敵
四十萬立六年至加羅立二年至大阿革利西
安殺傳教者毀其堂立二十年至千士但氏五
立二年至千士但天初猶不尙耶穌教偶與他
國戰不勝試禱之仰視雲際作十字架形旁有
文曰以此勝敵異之試爲架象十字者置於前
鋒驅兵繼進敵遂大敗十字架者耶穌行教拘

於官以架釘手足而死其徒因奉十字架如耶穌者也自此遂與其臣民傾心信服刻其遺書流佈多設拜堂先是國人每祀土木偶像常詣林藪叢麓殺人而禱之至是專事禮拜不設他祀耶穌教亦緣是大行於歐羅巴洲地矣立三十有一年遺命以國分封三子長爲千士但氏五號第二者立後其二弟相繼歿國仍歸焉立二十有三年至如利安自其少時已虔奉教既

立則又背之及與敵戰中矢死垂絕呼曰耶穌
已得勝我矣相傳謂其目有所見也立三年至
瓜非安興復教法立一年至瓦憐天焉與其弟
分國而治以東與弟而自取其西其弟立一年
而卒國復合立十有一年至厄拉氏安亦奉教
惟謹立八年至瓦憐天焉號第二者立九年爲
有至尼五所篡自立二年至河哪利五懦甚事
皆決於其臣旋病腹脹死立二十有七年至瓦

憐天焉號第三者生無纖毫善國人日詛其早
死立三十有一年弒於馬革西母甫一年而亞
非都繼之亦一年至馬瓜利安創制新法立五
年至西非路國中目爲小人立六年至安地米
五立五年蠻人弒之至阿利百利五立一年至
厄利西利五立三年至尼波亦三年爲蠻人所
滅由加力牛拉以來至是凡四十有八君歷二
百又九年當自漢明帝迄宋齊間而繼接可數

者惟此而已自腓士蔽西安時滅於羅馬其國
自是遂爲羅馬所據時雖併於羅馬仍自爲國
積而滋大卽史所稱之紅毛番羅馬舊國反屬
焉已四百年矣其後日浸微弱不能保其屬國
於是羅馬本國亦背之勢旣孤立北方敵人遂
乘間來侵時撒孫方號強盛遂向乞師兵甫出
而敵退撒孫窺其弱而可奪也忽動貪念乘勢
進圍之逐其王而分地爲七名其大者爲西撒

孫以舊國爲南撒孫此羅馬所據國滅後十有九年事也由此又爲撒孫所據曰西耳得乃者卽襲破分地初立之西撒孫王也時國人咸忿撒孫來救已而反見逼也則力爲拒戰互有勝負撒孫爭之益力增兵選將期以必得會其隣有亞耳得耳人稱之曰猛君者旁觀不平助逼撒孫兵使不獲長驅進相持至久而後得故事定已在十餘年後西耳得乃立三十有九年傳

長子堅力國人仍不時反側立二十有六年中
屢設防於其國與其民爭至基阿隣乃一戰而
服之復併有國南之地心志滿假欲藉以圖霸
諸隣諸隣不服亦時與戰爭甫息遽死在位二
十年至求以革勒米理國事與兄古得文共之
立十有三年至幾阿巴勒得佳立十有八年死
凡七君歷百十有六年夷考其時大率起梁初
迄隋大業義熙之際也由唐以來則爲開尼義

勒篤信耶穌遺教重布於國令其國人無貴賤
皆虔爲奉事爲之禁絕神像專事禮拜蓋耶穌
教之微而復興推而彌廣者則千士但天開於
前開尼義勒振於後也其時民殷國富在位三
十有九年傳堅瓦勒革無子立二十有二年遺
命以其妻色布耳加代理國事者二年傳以士
權亦二年至堅得爲因立九年至革得瓦拉勇
而喜戰在位僅四年出兵據其故國南撤孫之

地後自悔其爭殺謂違耶蘇戒律於是刻意奉
事至死不變傳以哪能以兵威服諸隣爲治亦
有法度國人義之上下百年間之最得聲聞者
立三十有七年至亞地拉耳得卽以哪之妻兄
也驟以異姓嗣理國事人心疑貳爭欲爲亂聚
集兵力而後平之立十有五年至舊得勒每與
隣封戰輒獲大勝一時武力卓然立十有九年
至西幾八得立及五年不爲眾所推服民遂倡

亂相與擁立幾怒勒百而西幾八得遂爲亂民
所廢不復能自振拔其兄恨幾怒勒百甚將伺
隙報之不得後偶於黑暗處與值殺之在位十
有九年百利得勒繼之溺信其所寵婦事無大
小言悉聽從無或稍逆會臣下有忤婦意者怒
欲醜殺之已置毒於酒百利得勒不知也見酒
輒先自飲因中毒死立十有五年至以厄百好
與隣戰戰亦輒勝自襲位二十八年間以次盡

得諸郡之地其後疆域日漸增廣實基於此內
治國事尤得民心東北隔海有吝因國素與仇
怨及聞其闢展邊地尤忌之密率舟師猝舉入
侵其境國中無備乃大亂尋卒立三十有九年
以得勒武勒繼之或言羅馬有神降且靈甚者
欲邀其福祐輒捨棄國政親至其地禱焉還復
日以祈拜爲事立十有九年至以得勒巴得與
其兄同理國事並在位八年至以得利得立吝

因復來侵悉力拒守僅而後免立六年至亞勒
弗勒能文章立未幾吝因再潛師犯境深入守
禦不支旋被廢爲民匿跡農家切思所報時吝
人方結寨自守招羅聲伎爲樂偵知乃密募勇
士飾作樂工已亦隱身隊內入寨奏技出不意
羣起呼殺吝人未之備遽爲所擊盡降之赦不
殺遍以善言撫慰難遂平終其世吝人不敢來
窺旣復位則設學校興教育自爲文勸民重四

業馴至治安立三十年而卒凡十八君歷二百
九十又六年大率終唐之世矣其在五代時則
有以得空者甫嗣位卽與北敵構釁連歲爭戰
立二十有四年至亞得勒士但其臣有被首謀
逆者獲而訊之跡未著不承也讞甫訖其人忽
倒地而斃眾咸駭之以爲天祐立十有六年死
子以得門尙幼嗣立五年荒飲無節爲臣下所
弑至以得勒立信耶穌教過篤遇教徒建寺必

豐其贍給國人稱行教者曰教師法得娶婦至王而益加禮重謂既虔誠持教卽不宜與女子同居寔力嚴禁之教師以爲苛已然理直無如何也在位九年至以得爲先是國法禁同姓婚配逮王始取其宗女爲妻教師相與切諫不從藉以爲亂舉兵直入後宮搜其妻殺焉立三年至以得加耳慎保疆圉造戰艦配兵哨巡海道隣國聞不敢正視然性喜漁色立十有六年至

以得空號第二者早喪母爲後母所不容朝於
母所母嗾人弑之立四年至以得勒耳得當亞
勒弗勒時吝因人敗降者編其戶生齒日有增
益偶念他族偏處旣眾慮他日終爲國患下令
將盡殲之其聞而先逃免者怨同輩無辜遭慘
戮相率爲亂奮力逼所居難作遂死立三十有
八年至以得門號鐵脇者立甫一年猛力自矜
其臣有懷叛逆私召吝因人爲助者吝因王加

怒地以積怨故悉師來攻以得門爲吝因人所
殺國隨滅凡九君歷百十有六年大率始五代
至宋眞宗天禧乾興之間矣自西耳得乃至此
大凡相繼四十有四君統計五百二十有八年
撤孫所據之國於是終此後遂爲吝因所據矣
然爲時固未久也加怒地旣以應其亂臣之招
至卽獲勝乘便據有其國不復別立王自以吝
因王兼理之號令一聽於加怒地得國後十有

八年死以夏耳阿勒繼立善走故國人稱之曰
兔脚爲人極殘忍嗜殺戮立四年至加怒地號
堅者者甫立而死無子國人以撒孫傳世久思
念遺澤共立其王子主國吝人亦無以難也吝
因自加怒地至是凡三君歷二十有四年而吝
因所據之國亦於是終此後復爲撒孫所有矣
舊撒孫王之子立二年以得空號認者者繼之
在位二十有四年死亦無子時有名夏耳阿勒

者頗得眾心其父故受撤孫舊王封爵爲侯於是群臣集議舉立之立一年哪耳慢國王未廉者方以威力自逞窺其國無主以兵六萬來爭夏耳阿勒率眾拒之與戰爲所敗遂被殺未廉乃自立爲王凡三君歷二十有七年而後撤孫所復有之國亦於是終此後遂爲哪耳慢所據矣未廉號勝者者之先在哪耳慢也不知其年旣得志於撤孫所據國而自王其地以爲聲威

既震人必貼服無他虞可使之稟已政令而遙
制之於是稍留兵戍而自還故國然當夏耳阿
勒之得立實擁戴於其臣民粹爲未廉所乘羣
相側目特畏威莫敢發俟其行乃相與密謀誘
殲哪耳慢戍兵而復其所陷地別立新王以拒
之有成約矣會謀洩未廉趨返臣民畏不敢動
遽遷怒國人奪首變者田宅以分給其族國人
莫可如何久亦安之在位二十有一年既以所

得國傳其子矣未廉號紅毛者年少不得立乘
父喪逐其兄而奪之耶穌生如德亞國在亞細
亞洲而其教乃西行於歐羅巴洲故西洋人稱
其所生國曰本地至是有回回侵據之難未廉
聞遂備艦遠出逐回回人平之立十有三年至
賢利號第一者知民心尙思撤孫爰擇其故王
女爲配所生子卽以爲嗣會其子長遊海中溺
死不得立賢利在位三十有五年無子其甥士